



Publicaziuns officialas dils 24-03-2017

Damonda da baghegiar

Nr. 17/2017

Datum da publicaziun: 24-03-2017

Patrun: Zisler Claudia, 7015 Tamins

Representant: Flepp Gion Michel, 7180 Mustér

Liug e parcella: Crest da Cauras; 4110

Object: Sanaziun dil terren dalla terrassa, ingrondaziun dil plaz da seser cun in paravent da veider

Nr. 24/2017

Datum da publicaziun: 24-03-2017

Patrun: Maissen Curdin / Tuor Julia, 7172 Rabius

Representant: Tarcisi Maissen SA, 7166 Trun

Liug e parcella: Chistrisch; 40/43

Object: Montascha da panels solars sin tetg dalla garascha

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 24-03-20107

Cumissiun da baghegiar

Preavis – Radunonza communal

La proxima radunonza communal ha liug **mesjamna, ils 19 d'avrel 2017** allas 20.00 a Rabius. La gliesta da tractandas vegn publicada a dretg temps.

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 24-03-2017

Departament stradal

Via Val Sumvitg

Serrada via Val Sumvitg naven da Val Dadens

En consequenza dad ina curdada da greppa ei la via Val Sumvitg interrutta ad Acla Mulin. Muort las lavurs da baghegiar ei la via denter Val Dadens ed Acla Mulin serrada permanentamein per tut il traffic.

Per pedunzs ei la via libra. Il passadi sper il plazzal da lavur ora ei signalisau.

La serrada cuozza prevedentamein entochen l'entschatta zercladur.

Cuntravenziuns encunter il scamond da carrar sin quei tschancun via vegnan punidas.

Ulteriur sclariment dat l'administraziun communal (081 920 25 00) ni il biro d'inschignier Deplazes (081 943 25 60).

Departament da traffic
Giusep Bearth, genau responsabel

Serrada dalla via da Surrein – tschancun Giachentrina

Igl uffeci cantunal da construcziun bassa cuntinuescha las lavurs da sanaziun dalla via atras il vitg da Surrein. L'interpresa Beer SA preveda d'entscheiver cun las lavurs da Giachentrina entochen tier la caplutta da S. Clau a Reits, naven da gliendisdis ils 20 da mars 2017. Muort la stretga a Giachentrina (profil 620–720, scrinaria Robert Bundi) sto quei tschancun vegnir serraus per scadin traffic naven da gliendisdis, **ils 27 da mars 2017 naven dallas 7.00 entochen venderdis, ils 7 d'avrel 2017 allas 17.00**. (la fin d'jamna dils 1 e 2 d'avrel resta la via aviarta).

Ina untgida ei pusseivla sur Cumpadials–Sumvitg ni sur Rabiun–Sumvitg.

Per ulteriur sclariment san ins sevolver tier il responsabel digl uffeci da construcziun bassa dil cantun ni tier il genau da baghegiar dalla vischnaunca da Sumvitg:

Pius Cavegn, telefonin 079 334 74 14

Giusep Bearth, telefonin 076 456 90 97

Nus engraziein per Vossa capientscha e salidein.

Departament da baghegiar dalla vischnaunca da Sumvitg
Giusep Bearth
Uffeci da construcziun bassa dil Grischun, district 6
Pius Cavegn

Sanaziun dallas vias Encarden e Planatsch a Surrein

Ils 10 d'avrel 2017 vegnan las lavurs da sanaziun vid las vias Encarden e Planatsch a Surrein cuntinuidas. Duront il temps da sanaziun sa ei dar impediments per il traffic.

Nus engraziein per Vossa capientscha. Ulteriuras informaziuns survegnis Vus directamein dil biro d'inschignier Deplazes a Surrein, tel. 081 943 25 60.

Sumvitg, 24-03-2017

Departament traffic

Inoltraziun declaronza da taglia 2016

Midadas impurtontas

Muort modificaziun sin ina taxaziun senza pupi sedattan naven dalla perioda da taglia 2016 las suanontas midadas per tut ils pagataglia.

Las declaraziuns da taglia 2016 ein niev d'inoltrar sco suonda:

Administraziun da taglia dil cantun Grischun
Verarbeitungszentrum 1/KO
Steinbruchstrasse 18, 7001 Cuera

Damondas da prolungaziun dil termin d'inoltrar la declaraziun da taglia ein d'inoltrar naven dalla perioda da taglia 2016 sco suonda:

- online: www.stv.gr.ch
 - per e-mail: fristgesuche@stv.gr.ch
 - en scret: Administraziun da taglia dil cantun Grischun
Fristgesuche/KO
Steinbruchstrasse 18, 7001 Cuera
Telefon 081 257 34 93
- Las damondas da prolungaziun ein d'inoltrar cun las suandontas indicaziuns: numera da register cumpletta (inclus numera da vischnaunca 673-), num, prenum e vischnaunca da domicil.
 - Ils termins concedi vegnan buca confirmai ed ein en general buca prolungabels. En cass singuls e motivai sa in ulterior termin excepziunalmein vegnir dumandaus.

Igl uffeci da taglia communal Sumvitg supplichescha da prender enconuschientscha da quellas midadas.

Sumvitg, 24-03-2017

Uffeci da taglia Sumvitg

Lenna da brisch 2017

La vischnaunca da Sumvitg offerescha a vischinas e vischins la cumpra da lenna da brisch sco suonda:

Pégn

Igniu 55 francs/m²

Ogna

Igniu 80 francs/ster

Il quantum d'ogna ei limitaus.

Ils prezis secapeschan excl. taglia sin plivaleta. Cundiziuns da pagament ein 30 dis net.

Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl uffeci forestal Sumvitg, 7175 Sumvitg, ni e-mail: uffeci_forestal@sumvitg.ch, ni per telefon, 081 920 25 06. Las empustaziuns ston succeder entochen sil pli tard venderdis, ils 7 d'avrel 2017.

Bien engraziament per Vossa empustaziun!

Sumvitg, mars 2017

Il selvicultur da revier, Flurin Cathomas

Annunzia scoletta per igl onn da scola 2017/18

Il scriver cul talun d'annunzia obtegnan ils geniturs dils affons dall'annada 2012 ils proxims dis. Ils affons dall'annada 2011 che han gia frequentau in onn scoletta valan sco annunziai. En cass che Vus retscheveis negin scriver ni che Vus haveis ulteriuras damondas, astgeis bugen contactar nus duront las uras da spurtegl (gliendisdis 13.00–16.00 e gievgia 13.30–16.30) sut 081 936 33 04.

Consorti da scola Sumvitg-Trun, Administraziun

Societad da tir Vial Sumvitg

Cuors per tiraduras e tiradurs giuvens 2017

Annunzia:

Era uonn meina la societad da tir Vial Sumvitg atras in cuors per tiraduras e tiradurs giuvens e giuvenils. Giuvnas e giuvens dallas annadas 1997–2004 astgan prender part a quei cuors. S'annunziar saveis vus a scret ni per telefon al menader dil cuors. Cajochen Gion, Via Plazzas 22, 7173 Surrein, Tel. 079 850 34 63. Davos termin d'annunziar ei gliendisdis, ils 27 da mars 2017.

Pleiv Sumvitg

Invitaziun

Sebasond sin art. 20 dalla constituziun dalla pleiv Sumvitg envida la suprastonza alla radunonza da pleiv, dumengia, ils **2 d'avrel 2017**, allas 20.00 en casa da scola a Surrein.

Tractandas

1. Beinvegni
2. Approbaziun dils protocols dallas davosas radunonzas dallas anteriuras pleivs
3. Approbaziun dil protocol dalla radunonza constitutiva dils 22-11-2016
4. Rapport dil president
5. Rapport dil menader dil cussegl pastoral
6. Presentaziun dil quen 2016 dall'anteriura pleiv Rabiun
7. Rapport dils revisurs ed approbaziun dil quen 2016 dall'anteriura pleiv Rabiun
8. Presentaziun dil quen 2016 dall'anteriura pleiv Sumvitg/Cumpadials
9. Rapport dils revisurs ed approbaziun dil quen 2016 dall'anteriura pleiv Sumvitg/Cumpadials
10. Presentaziun dil quen 2016 dall'anteriura pleiv Surrein
11. Rapport dils revisurs ed approbaziun dil quen 2016 dall'anteriura pleiv Surrein
12. Sanaziun interna dalla baselgia Rabiun, approbaziun dil project e concessiun dil credit da frs. 550 000.–
13. Elecziun d'in delegau dalla pleiv Sumvitg al Corpus catholicum
14. Orientaziuns
15. Varia

Ils protocols tenor tractandas 2 e 3 vegnan deponi en mintga baselgia silla cruna da scartiras. Ils quens dallas singulas pleivs vegnan reparti ni presentai sco usitau ellas anteriuras pleivs. Tut tgi che vul prender part dalla radunonza da pleiv e sa buca far quei muort munconza da vehichel, sa annunziar quei al president dalla pleiv Walter Deplazes (081 943 25 60) che vegn ad organisar ils transports necessaris.

Sumvitg, ils 24-03-2017

Cordial invit Suprastonza pleiv Sumvitg

Via dalla crusch a Clavadi

Dumengia, **ils 2 d'avrel 2017** allas 17.00

Da cuminonza semettein nus sin via, contemplein e meditein ils maletgs dalla via dalla crusch e tedlein in text corrispudent.

Nus serimnein tier l'emprema staziun (caraun sur baselgia parochiala). Da malaura ha la via dalla crusch liug en baselgia a Sumvitg !

Cordial invit a tuttas parochianas e tuts parochians.

Sur Benny e las gruppas da liturgia

Corporaziun d'aua e glisch Rabius

Radunonza generala, sonda, igl 1. d'avrel 2017 allas 20.00 el hotel «Greina».

Tractandas:

1. Beinvegni
2. Perstgisas, gliesta da tractandas
3. Elecziun dumbravuschs
4. Protocol radunonza generala 2016
5. Rendaquen:
rapport cassier
rapport revisur/a
approbaziun e scarica
6. Rapport dil president
7. Elecziuns:
revisur/a
survigilader
8. Aquaduct
9. Illuminaziun
10. Orientaziuns sligiar si la corporaziun d'aua e glisch e surdar alla vischnaunca
11. Varia

La suprastonza